

W391
N36

子規

錦官城裡竟志歸啼到江南意自悲薄

霧澹烟殘月夜落花濃對暮春時空留

蜀帝千年恨誰解唐人再拜詩誠向枝

頭一相問聲之啼罷又何之

鐵嶺鄂爾泰

瑞紅鳥 貳

此鳥生閩中雌雄最親暱宛焉伉儷歡
秉性復貞一雌籠畜必雙相得恨相失
儻或離其羣他鳥不再匹世間輕薄女

斯鳥堪法則

張庭玉題

01R20110

蘆葦鳥

一名巧婦
一名挑虫

偶借一枝宿飛鳴蘆葦中方書稱巧婦

爾雅喚挑虫聲出吹噓韻巢管毛毳工

賦推張壯武傳雅緬遺風

此鳥聲如吹噓衣茅葦毛毳為巢大如雞卵
寂為精密

張廷玉漫題

紫練

一名施紅練

山花移不數枝
栽日暝風和次第
開樹裏忽施紅練
起胭脂零亂雪梅堆

此鳥所棲之對名雪梅堆

龍眠張廷玉

阿蘭 一名阿濫

鳥自驪山項上來
明王遂譜親裁梨園
法曲流傳久今口
猶吹何濫堆

鄂爾泰

錦背

毛羽天然鋪錦成
瞳矐日射熖光生
衣裳如許堪誇衆
莫使中宵暗裏行

龍眠廷玉

十二紅 即大平雀
六翮斑爛初養成紅鋪十二節分明况
當物阜民安日鳥雀居
龍眠廷玉

紅靛頰

木香

皚々白頰似眉長翅尾翻飛
褐色蒼啼
過三春花事了庭前開出木香

爾秦

倒掛鳥

一名綠毛幼鳳
一名羅浮鳳

英宮花屋遍翱翔
到處欣聞百和香
韓壽痴情君酷似
樹頭顛倒掛衣裳
羅浮梅萼趁春開
愛剝輕身幼鳳來
喚汝天邊花鳥使
仙宮應是號蓬萊

東坡詩蓬萊宮中花鳥使

長白爾秦

蛇燕

一名胡燕
一名夏候

等是烏衣國裏身將胡較越信手神雙
歧尾剪機中錦獨立粧成掌上人花徑
衝泥營舊壘彫梁絮語話殘春夏候呼
汝應無累埤雅書中紀載真

張廷玉

國公鳥

鳥亦名國公不知封爵乃在何年中
之姓氏莫可考令人想望難追蹤鳥以
人傳人不識真成鳥有先生止是公

廷玉

石膏 櫻桃花

毛羽翻新樣
翩然何處來
雲根堪作質
翠鳥倩為媒
色映溪邊草
光連路畔槐
櫻桃花下過
鮮艷為君開

桐城張廷玉

珊瑚鳥

珍禽來閩海蒼黑宛如鳩利瓜偏能闢
揚眸似有求身輕同雀躍聲脆勝鶯喉
對底珊瑚出何須鐵網收

張廷玉

黄丁香鳥 紫薇花

何須蝶使與蜂媒
自拂金衣舞百回
紅艷滿園都不羨
紫薇匝對忽飛來
身同鸚母柔能語
心似丁香結未灰
鶯過上林回首數
羽毛一色莫相猜

桐城張庭玉題

梧桐

一名蠟觜

君不見樊桐生崑岡風來闐闐葉飄揚
又不見孤桐長嶧陽干霄百尺老幹長
楸中雅許稱良木應瑞真堪栖鳳皇胡
為小鳥名亦共鉅細嫌他難比量惟將
蠟染彎環嘴戲舞千般獸檀場

桐城張廷玉題

鸚鵡

鸚鳥由来名隴客
烏衣皂幘最風流
勸君欲學如簧口
須剪雙尖巧舌頭
曾教吳兒傳妙舞
叅軍和汝撥琵琶
賓明雅集堪為主
喚僕頻去煮茶

張廷玉

緑斑 杏花

愛煞文禽漾綠斑
東風浴、涌晴瀾
尾抱翠靄芳春麗
翅惹濃雲清晝寒
觸散柳絲煙乍濕
飛過竹徑雨初乾
惜前紅杏花初放
汝毛衣映石欄

桐城張廷玉題

半翅

一名半癡

毛羽不豐滿不可以高飛君身止半翅
鍛羽蹈危機形體本虧缺賦性原非癡
復以半癡名何人辨是非

廣寧爾秦

金錢雞 一名花班鷺

也多輪郭也多稜無數金錢鋪滿身禽
鳥若教長暴富此雞應算有錢人文采
輝煌炫羽翰間來自舞影珊珊世人莫
作雞群看此是仙山別樣鷺

爾秦

萃班鳥

紅紫菊花

閩無文禽樂水涯閑來啜食魚蝦况
看黑白斑斕鳥襯出東籬紅紫花

鄂爾泰

花紅燕

一名赤鷄
一名朱衣

野蕃薇華

好鳥來山右形同瓦雀飛古人名赤鷄

近世號朱衣丹竈傳仙友靈符竊玉妃

何堪華灼相映野蕃薇

鄂爾泰